



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

XI. De necessitate accipiendarum formatarum ab Episcopo Arelatensi.

**urn:nbn:de:hbz:466:1-15617**

## & Imperij Lib. V. Cap. XXXV. 109

cripta, qui tum demum ad apostolicam sedem deferri voluerunt cognitionem caufarum ab Episcopis Theſſalonicensibus & Arelaten-  
ibus, si post examen provinciale caufa defi-  
niri non potuerit coram Vicario sedis apo-  
stolicae. Ad hanc porro epistolam respiciens  
Hormiſda Pontifex Romanus, de Dardania,  
Illyrici, & Scythia Episcopis ad communio-  
nem sedis apostolicae reversis scribens ad  
Episcopos Galliae & Hispaniae, epistolam  
suam dirigit Cæſario & his qui sub ejus ordi-  
natione conſiſtunt. Quibus verbis intellexit,  
ut dixi, Episcopos Galliae & Hispaniae, qui  
ad ordinationem Arelatensis Episcopi perti-  
nebant, & ad ejus Concilia venire teneban-  
tur. Idem enim est, ut obſeruat inſra illuſtris-  
fimus Archiepiscopus, ad synodum Patriar-  
chæ alicujus aut ad ordinationem ejus perti-  
nere.

X. Minatur deinde Symmachus abſten-  
tionem Episcopo Aquenſi & ceteris, si de-  
trebataverint accedere ad Concilia quæ au-  
toritate Episcopi Arelatensis fuerint con-  
gregata. Hæc ſunt ejus verba: *Et if tam Ec-  
clesie Aquenſis antiſtes, vel alius quilibet, Me-  
tropolitano Pontifici juxta canonum definitionem  
evocatus obtemperare noluerit, noverit subden-  
dum ſe, quod non optamus; ecclesiastice discipli-  
nae.* Heic duo quādam obſervanda ſunt. Pri-  
mò, Symmachum Metropolitanus vocabulo  
intelligere Arelatensem, quod is eſſet pri-  
mus Galliarum Metropolitanus, ut ſuprā di-  
ctum eſt. Secundò, affectatum ab eo eſſe  
hunc loquendi modum, ut oſtenderet aucto-  
ritatem convocandi generalia Galliarum  
Concilia competere Episcopo Arelatensi,  
non ſolum ex privilegio ſedis apostolicae &  
ex veteri conſuetudine, ſed etiam ſecundum  
canonum definitionem. Nam canones de-  
cernunt uti cūm quis Episcopus ad Con-  
cilium evocatus fuerit à Metropolitanu, ad eſſe  
ne differat, niſi fortassis ægra valetudine aut  
alia iuſta cauſa impediatur.

XI. Postremo renovat Symmachus de-  
cretum Zozimi de neceſſitate accipienda-  
rum formatarum ab Episcopo Arelatensi,  
quod decretum obſervari jubet ab omnibus  
ecclesiastici ordinis atque officij viris qui ē  
Gallicana vel Hispania regione Romam  
proficiſci voluerint. Hæc ſunt ejus verba:  
*Et in hac parte magnopere te volumus eſſe ſollici-  
tum, ut ſi quis de Gallicana vel Hispania regio-  
nibus ecclesiastici ordinis atque officij ad nos ve-  
niere compulſus fuerit, cum fraternitatis tua no-  
titia iter peregrinationis arripiatur; ut nec honor  
ejus per ignorantiā aliquam contumeliam patia-  
tur, & ambiguitate depulſa a nobis animo ſecuro  
in communionis gratiam poſſit admitti.* Huic lo-  
co lucem afferent ea quæ ſuprā dicta ſunt

cap. xxx. §. 1 v. Si lector ea consulenda tan-  
ti eſſe putaverit.

*Videtur inſtra cap. 18.  
ſ. 7.*

XII. Quæri poſſet hoc loco quonam  
modo factum fit ut in hac Symmachii epiftola,  
qua privilegia Arelatensis Ecclesiae &  
vicariatus apostolicae ſedis continentur ac  
confirmantur, nulla extet mentio Pallij Cæſario  
conceſſi à Symmacho, quod tamen  
eum ab illo accepisse testatur Papa Vigilius  
in epiftola ſecunda ad Auxanum Epifcopum  
Arelatensem. Et quia digna credimus ratione  
completi, inquit Vigilius, ut agenti vices no-  
ſtrias Pallij non deſit ornatus, uſum tibi ejus, ſi-  
c ut deſſori tuo predecessor noſter sancte recorda-  
tionis Symmachus legitur contuliffe, beati Petri  
functi auctoritate concedimus. Docet itaque  
Vigilius collatum Cæſario Pallium fuſſe à  
Symmacho. Immo ex verbis Vigiliij colligi-  
tur traditionem illam Pallij factam fuſſe per  
epiftolam, *Symmachus legitur contuliffe.* Et ta-  
men in epiftolis quæ nunc extant Symmachii  
ad Cæſarium nulla Pallij mentio facta repe-  
ritur. Vnde fortassis concludi debet non ex-  
tare hodie omnes epiftolas quæ à Symma-  
cho datae ſunt ad Cæſarium. Ad Pallium  
quod atrinet, nulla illius mentio eſt in epi-  
ftolis Symmachii quæ ſupersunt, quod illæ  
datae ſint diu poſt quam Cæſarius ab illo  
Pallium acceperat. Acceperat enim anno  
quingentesimo decimo, cūm poſt obſidio-  
nem Arelatensem ſub publica custodia per-  
ductus in Italiam, Romam tandem veniſſet.  
Tum enim Pallium ei tributum fuſſe docet  
Cyprianus in ejus vita, quam vir clarissimus  
Dominus Ioannes Mabillon monachus Be-  
nedictinus nuper reſtrit ex veteri codice  
manu ſcripto: *Papa Symmachus, tanta meri-  
torum ejus dignitate permotus, non ſolū veri-  
ſime eum Metropolitanu honore ſuſpexit, ſed &  
conceſſo ſpecialiter Pallij decoravit privilegio.*  
Ceterum heic adnotandum eſt in hoc Cy-  
priani loco non agi ſimpliciter de honore  
metropolitico Ecclesiae Arelatensis, de quo  
tum apud omnes conſtabat citra omnem  
controversiam, ſed de dignitate Metropoli-  
tanu Galliarum. Deinde hinc colligitur ma-  
nifeste vicariatus apostolicae ſedis in Cæſa-  
rio, quem ob eam ipsam cauſam Symma-  
chus Pallio putavit ornandum. Nam ut libe-  
re in hoc capite promam meam ſententiam,  
puto pro ſuſpexit legendum eſſe ſubvexit,  
adeoque Metropolitanu vocabulo intelligi  
debere Vicarium ſedis apostolicae. Hanc  
emendationem probat editio Surij, apud  
quem iſte locus mutato ſtilo, ut ſole Surius,  
ita legitur: *Symmachus preclarus ejus meritorum  
dignitate permotus, non ſolū cum veriſime  
Metropolitanu honore preditum veluit, (id eſt,  
ſubvexit) ſed etiam ſpeciali quodam privilegio*

*Cyp. in vita Cæſ.  
Surij lib. 1. cap. 44*

O iij